

丁文誠公奏稿

丁文誠公奏稿

卷之五目錄

收復饒陽摺

同治七年正月二十五日

捻逆折竄西北現由東北扼勦摺

同治七年二月初二日

捻逆折竄西南分路扼紮摺

同治七年二月初九日

捻竄安平分路截勦摺

同治七年二月十五日

捻蹤仍竄西南調軍布紮防勦摺

同治七年二月二十九日

捻逆突過濰沱回顧東境摺

同治七年三月初三日

帶軍回東暫駐東昌摺

同治七年三月十二日

追勦馬賊巡視河防摺

同治七年三月十九日

捻由直境東竄截勦獲勝摺

同治七年三月二十六日

荏平大捷摺

同治七年三月三十日

捻竄滄州一帶分道進剿以顧東北摺

同治七年四月初六日

力顧津防片

同日

暫駐交河截剿以顧西北摺

同治七年四月初八日

督隊東昌查看運河水勢摺

同治七年四月十五日

東軍追剿獲勝繞擊布防摺

同治七年四月二十三日

分段築牆摺

同治七年四月初八日

賞加頭品頂戴謝

恩摺

同治七年閏四月初十日

荏平襲賊大勝摺

同治七年閏四月十六日

各軍會勦力顧運防摺

同治七年五月初四日

修築隄牆兜逼捻逆摺

同治七年五月二十二日

各軍疊捷並馬頰河牆竣工摺

同治七年六月初七日

各軍追勦連獲大勝摺

同治七年六月十六日

收復饒陽摺

同治七年正月二十五日

奏爲捻逆竄陷饒陽經官軍追勦疊勝收復縣城後晝夜鏖戰互有殺傷復乘夜襲勦大獲全勝追壓四十餘里各情形恭摺仰祈

聖鑒事竊

臣

於本月十八日在固安行營謹將賊向南竄

督隊回勦各情馳陳在案

臣

初得賊竄博安之信以固安

距各該縣相去三百數十里深慮追勦不及當飭已革總兵王心安帶該軍七營及副將宋延德所帶馬隊五百餘人於十八日先行取道河間雄縣探蹤迎勦

臣

十九日亦

督隊繼進二十四日連接該革鎮稟報該軍於十八日兼

程一百四十里行抵雄縣十九日抵任邱探知賊衆大股

在肅甯東西二關並張岡村一帶盤踞二十日督隊由河間取道進剿申刻行抵河間西南二十里探知賊又由肅甯竄撲饒陽將縣城占踞王心安卽於是夜五鼓拔隊行過肅甯十里卽見該匪邊馬五十成羣放火亂竄宋延德帶馬隊沿途趕殺王心安自督步勇七營分三路而進並令各勇不准馳逐散賊直奔該匪大隊未刻行距饒陽三十餘里岳家莊地方探悉前路三里許之魏家村有大股盤踞王心安卽令宋延德帶馬隊巡哨自率七營員弁各帶親兵分路直前猛撲時該逆正搜搶同濟當舖各勇吶喊衝入槍矛並擊該匪衝出千餘騎拚死拒敵各勇縱橫截殺斃悍賊百十人奪獲旗幟數十件匪勢不支敗向西

南狂奔王心安以兩營入村搜殺自帶劉志和等追勦十二里沿途斃賊六七十人奪回賊館十四處至尹村天黑收隊是晚探的該匪盡踞饒陽城內及附郭關廟王心安卽傳令四鼓啟隊進攻縣城二十二日由尹村行距縣城十餘里該匪出馬賊三四千人列仗拒敵宋延德帶馬隊奮力猛衝王心安步隊結爲圓陣繼進馬賊左右環撲各隊以槍礮連環互擊斃賊約二百餘人賊敗向縣城逃遁王心安督隊追擊城下各勇皆以長矛斫地登城賊見我軍勢猛越城竄逃各勇進城將餘賊追殺殆盡王心安在西門攔殺數十人於辰刻將縣城收復王心安入城搜殺一徧安撫難民卽飭各隊出城暫歇復行跟追旋探悉該

匪敗退出城仍踞距城八九里之菜園地方王心安令各勇迅速追擊轟斃數十人賊倉皇奔竄復將菜園奪回王心安乘勝令各營分帶本隊三路包抄追出十餘里該逆情急且見我軍後無援應回馬死命衝突各隊力禦屹不少動該匪下馬格鬪又另出馬賊四面橫衝各勇以排矛夾槍礮環戰斃賊甚衆王三元劉志和金成德三營復追出二十餘里天色已暮迷入村莊該匪以馬賊三四千圍之各勇結隊力敵子藥皆盡繼以長矛斃賊約二三百人賊捨命猛撲直至更餘參將金成德守備劉家興力竭陣亡勇賊混戰不分三營勇丁計傷亡衝散約三四百人時已三更方至菜園會集二十三日黎明賊復麇集圍攻我

軍據柵力戰槍礮轟斃百餘人更餘賊始敗退王心安以賊竟日酣戰夜必安卧親督各營於三更後帶五成隊乘夜猛襲賊馬下鞍熟睡各勇大呼殺入該匪驚覺慌亂我軍刀矛並舉斃賊約數百名奪回騾馬四百餘匹包裹旂幟器械無數該匪直奔西南竄逃王心安督隊追壓四十餘里天明始行收回現在賊勢已蹙盡向西南遠遁等情查此股捻逆由晉竄豫恃其剽疾十日馳抵省垣意圖北竄經督臣官文將各路兵勇嚴密布置京兵復行出紮聲威甚壯賊不敢逞折回南奔王心安七營由泰安調回北上十一日之內南北往返一千五百里各弁勇均知用命追剿迅速力挫兇鋒王心安報効情殷以三千餘人追剿

二萬餘賊孤軍深入百餘里收復縣城後鏖戰至兩晝夜士卒皆忍飢血戰互有殺傷嗣復乘夜襲擊殺獲甚衆現在該軍仍擬追勦臣令其暫爲養息飭莫組紳一軍前進跟追該軍俟一二日養定後始行繼進臣到河間後本擬督隊向饒陽前進因東北一路僅臣一軍恐前進之後賊復乘虛北竄近

畿又形喫緊刻下該匪疊經大懲盡向西南遠竄北路較鬆現擬仍調回楊飛熊一軍至河間扼紮臣暫駐調度俟北面穩固再行督隊進勦惟王心安此次勦賊奮勉異常衆所共見可否籲懇

天恩俯准先行

賞還該革鎮原職頂翎以示鼓勵出自

逾格鴻施至臨敵捐軀之參將金成德守備劉家興應請
勅部從優議卹以慰忠魂其餘復城出力並傷亡文武員
弁兵勇容臣查明分別奏請

恩旨獎卹所有賊捻竄陷饒陽經官軍疊勝收復縣城後
晝夜鏖戰互有殺傷復乘夜襲勦大勝將賊全股追壓向
西南遠遁各緣由謹恭摺馳陳伏乞

皇太后

皇上聖鑒訓示謹

奏

擒逆折竄西北現由東北扼勦摺

同治七年二月初二日

奏爲擒逆避兵折竄西北現今各軍由東北分路扼勦恭摺仰祈

聖鑒事竊

臣

於正月二十五日謹將擒逆被官軍擊敗竄

向西南各情馳陳在案查該逆自饒陽擊敗後向深州武強一路奔竄各路官兵均跟追前進臣派莫組紳一軍追勦亦由武強緊躡賊蹤二十六日接莫組紳稟報該逆見官兵急追忽由武強城外十餘里折向西北深州祁州一路回竄該軍亦折回深州跟追等語二十七日探報該匪前股已竄板橋距高陽三十餘里臣以高陽距任邱河間均不過七八十里係

京師及天津大道深恐各軍由西北堵勦該逆必由任邱河間一路圖竄東北當經飛飭莫組紳一軍協同各軍實力回勦一面咨請崇厚派出之天津鎮總兵陳濟清所部於二十八日卯刻向任邱進紮並飭楊飛熊一軍由河間二十里鋪取道任邱進紮鄭州雄縣一路一以顧

京門一以顧津郡

臣

暫駐河間調度一切並防該匪南竄

以便截勦二十八日未刻陳濟清督隊甫抵任邱卽見難民紛紛逃避當卽派弁兵出探據稱賊之邊馬已及任邱城西二十餘里在各村莊放火並擒獲馬賊二名其欲圖竄天津毫無疑意是晚任邱城上亦見火光二十九日辰刻楊飛熊一軍趕到任邱沿途所遇邊馬均經追散該匪

見我軍已到知東北有備不敢徑竄仍向高陽一帶游弋

臣以任邱爲東北總匯要道當令楊飛熊一軍卽住任邱

與陳濟清會同暫行穩紮俟探確賊向再行出勦以免前

進後脫致被該匪乘虛旁竄初一日巳刻探知賊尙在高

陽肅甯西北一帶游駛臣正擬派王心安出隊向西迎擊

未刻該匪邊馬百餘騎已竄至河間城外三四里王心安

宋廷德督隊追擊二十餘里救出難民數十人並奪回所

搶逃車騾馬二十餘匹該逆向西南一帶狂奔查現在各

路追兵不下四萬餘人兵力甚厚東軍派出莫組紳一軍

協同追勦臣嚴飭其必須見仗計日內當有戰事至東北

兩面地勢平衍此次幸陳濟清楊飛熊兩軍先抵任邱藉

以扼其突竄現僅該二軍及王心安一軍三千餘人分路扼紮刻值賊蹤紛竄無定祇可令其賊至迎擊若再派出遠勦恐稍一轉折又落賊後此時惟望西北各軍急勦前進臣所部三軍卽迎頭截擊乃可以逼賊南趨再圖會合力勦以期迅殄妖氛而安

畿輔所有賊蹤避兵折竄西北現飭分路扼勦各緣由謹恭摺馳陳伏乞

皇太后

皇上聖鑒訓示謹

奏

擒逆折竄西南分路扼紮摺

同治七年二月初九日

奏爲擒逆竄向東南經官軍截勦獲勝折竄西南現飭跟追並分路扼紮以防回竄恭摺仰祈

聖鑒事竊

臣

於本月初二日謹將賊蹤竄近東北任邱河

間一帶飭軍分路扼勦各情馳陳在案初二日賊邊馬百餘騎竄進河間城外三四里許圖竄東北經宋延德王心安督隊追擊仍由西北折竄是晚王心安自帶三成隊乘夜暗襲行二十餘里連撲三四村莊僅有賊十餘騎驚逃未能及賊大股適值雨雪當卽收隊初三日黎明王心安探知賊由西北漸竄東南當經冒雪出隊由西向東攔擊沿村遇賊或數十騎或百餘騎一見官軍紛紛狂遁逐三

十餘里斃賊十餘名救出逃難民車二百數十輛時雨雪甚大以該軍兵單遠追且慮前賊突抄北路該軍不能回顧卽傳令收隊旋據莫組紳稟報該軍於前月二十九日申刻追至肅甯東北十二里探知賊在辛橋北鎮侯家作一帶初一日五鼓出隊追勦行至侯家作該逆以紅黑旗馬隊約六七千騎列仗迎拒我軍拒隊緊上賊馬衝進約半里許各勇開放槍礮斃匪三四十名奪馬二十餘匹賊不敢逼近我軍乘勢突出該匪卽敗退策馬向東南狂奔莫組紳追勦二十餘里收隊暫住薛家莊是晚淮軍唐仁廉馬隊亦到與該軍合紮豫軍宋慶張曜陝軍劉松山郭寶昌均由西路趕至河間城外駐紮初四日五鼓宋慶張

曜各軍由南路進勦在留鉢莊一帶追及截勦獲勝殺賊約千餘名奪回馬匹甚多該逆遂向西南敗竄初臣於初四日辰刻接據探報該逆竄向東南前股已竄及交河泊頭地方料其不東竄德州必北趨津郡當卽一面知會崇厚設備一面飭楊飛熊一軍由任邱冒雪前進取道大城赴靜海與陳濟清會合力顧津郡兼壓該逆由津北竄之路王心安一軍臣以莫組紳及各路追軍已到恐其截勦得手該逆或旁竄北路勢甚空虛卽令該軍穩紮以待是日臣調來莫爾廣額春山等所帶馬隊適到阜城距交河僅數十里該逆見東南有馬隊橫出後路各起官軍追勦獲勝盡向深州衡水一帶竄逸臣已飛飭莫組紳一軍由

深州南趨武邑繞出賊前與跟追各軍會合兜勦現在西北東北情形較鬆所有挑撥吉林黑龍江馬隊一千五百名初八日到臣行營點驗尙覺強壯當卽於初七日飭惠慶帶領由營起程至保定交春壽管帶歸督臣官文調遣至楊飛熊一軍臣以東面無事賊蹤雖竄西南仍恐習前故智折趨西北仍調該軍回任邱暫駐惟查直省地極平衍防不勝防而逆騎奔突無定稍一轉折情形迥殊東北爲近

畿大道不可無兵扼紮且又界連東境臣駐河間而以楊飛熊駐任邱相去七八十里深虞兵單地廣緩急難恃且任邱一軍北顧

京門東顧津郡每一有警輒應接不遑亦惟有隨時相度
機宜盡力扼顧冀保無虞至此後一切追勦情形容後隨
時馳報所有賊由東南折竄西南各軍追勦獲勝乘勢緊
追並現在分路扼防回竄各情謹恭摺由驛具陳伏乞

皇太后

皇上聖鑒訓示謹

奏

擒竄安平分路截勦摺

同治七年二月十五日

奏爲官軍追勦獲勝賊匪折竄安平一帶各軍分路追勦並繞出東路攔截情形恭摺仰祈

聖鑒事竊

臣

於本月初九日會將擒逆竄向東南經官軍

截勦折竄西南並飭軍分扼各情馳報在案莫組紳一軍於初七日追賊至深州東南四十里之護駕池探知該逆大股在木瀆王莊一帶莫組紳派營官劉時霖曹正榜各帶親兵二百名夜襲王莊賊營殺賊數十名該匪連夜驚遁莫組紳督隊追壓賊股全向東南奔竄初八日至束鹿北宋莊初九日辰刻追抵束鹿城北十二里探知該逆圍攻新集民圩莫組紳帶隊趕到當派曹正榜等三營由東

北面進擊郭大勝等四營由東南進擊莫組紳親帶三營由中路接應悍賊二千餘騎分爲兩路猛突官軍施放連環槍礮擊斃悍賊百餘名賊股稍卻我軍乘勢追壓立解新集之圍時賊前股已由西北一路遠遁尾股相持未久亦卽狂竄官軍追至深州西南二十五里之曹家莊正在分頭紮營賊騎突至我軍整隊追逐小有斬擒是時劉松山郭寶昌喜昌宋慶張曜各軍均各追及十一日黎明探知大股賊匪仍麇聚北宋莊一帶莫組紳帶隊進勦至柯蘭地方賊騎大股分爲五六起四面奔突我軍列隊迎勦槍礮長矛更迭夾進鏖鬪良久該逆旋卽敗突我軍乘勝追壓殺斃悍賊數百名生擒五十餘名奪獲騾馬三百七

十五匹救出難民無算劉松山郭寶昌宋慶張曜各分路接仗均獲大勝擒斬極多其接仗情形應由官文左宗棠詳晰具奏該逆退後現紛竄安平一路陝豫各軍由西北路追勦莫組紳一軍以西路追兵甚多東路空虛卽由安平西南之厚澤寺一帶繞出東北一路攔截十四日晚軍抵卧碑村駐紮該軍連日追逐軍火已盡臣現在趕緊給發軍火子藥正擬飭令向西攔截兼顧東北一面旋據探報逆蹤有竄望都之信查現在西路兵力較厚東北兩面僅河間及任邱兩軍雄縣僅有富和馬隊五百勢甚空虛該逆現竄望都恐一經各軍攔截折竄東北臣現飭楊飛熊一軍進紮雄縣飭莫組紳由卧碑村暫紮任邱以顧

京門及天津大道俟賊蹤南竄再飭莫組紳一軍仍行會合各軍追勦以厚兵力至此次力戰陣亡之都司李德旺千總劉鐸二員應請

旨交部從優議卹其餘陣亡弁勇應俟查明彙案請卹所有各路官軍追勦獲勝賊匪折向西北安平一帶奔竄官軍分路緊追繞出東路攔截等情謹恭摺由驛具奏伏乞皇太后

皇上聖鑒訓示謹

奏

擒蹤仍竄西南調軍布紮防勦摺

同治七年二月二十九日

奏爲探悉賊蹤仍竄西南現擬調軍相機布紮兼籌防勦恭摺仰祈

聖鑒事竊

臣

前因賊匪被官軍擊敗由束鹿折竄西北時

各軍跟追恐其由高陽安州越任邱以西徑竄雄縣大道北路堪虞當飭楊飛熊一軍進紮雄縣時前敵莫組紳一軍由束鹿追截適至卧碑村卽令移紮任邱互爲聲勢兼備該逆東竄天津之路本月二十二日賊匪又由深州一帶狂竄擾及肅甯以東維時各路官軍隨後緊追賊勢甚蹙

臣

以該逆奔突無定恐其徑由獻縣交河一帶東竄則

雄縣北路稍鬆而津郡又形喫重因令莫組紳力顧任邱

雄縣大路飛飭楊飛熊由雄縣移紮文安屬之王家口以扼津郡並派駐紮河間之王心安一軍向西出隊扼截飭令在二三十里之內遇賊卽擊期不使賊繞越東南是晚該逆被左宗棠督飭各軍擊敗又見東北有兵阻截旋復向西南狂奔現據探報該逆仍竄擾深晉一帶查東北一面地勢廣衍臣軍分布各處均係要道時虞竄突該逆前次擾近河間四五十里臣派軍出隊不敢使其過遠者誠以河間府城地屬衝要臣駐河間之軍本屬無多分兵防勦兵力過單遠出恐不得力若全隊派出又恐被賊繞截後路則東面處處空虛而任邱一軍又爲東北兩面扼要之地亦難調動是以屢欲前進夾擊而終不能應手焦灼

殊深

臣

維賊不能越過漳沁僅盤旋於深祁安肅一帶左

宗棠督兵緊躡勢必折而東趨兵力稍厚即可遠出數十
里之外迎勦現在賊竄西南津郡一帶情形已鬆刻將楊
飛熊一軍調紮河閒二十里鋪以與王心安莫組紳互爲
聯絡儻賊再東趨擬以千餘人布守府城卽令王心安酌
帶四五營會合楊飛熊全隊向西盡力迎勦則可與各追
軍收夾擊之效而於東北一面亦不致有前進後竭之虞
於防勦較爲得力所有近日調軍布置兼籌防勦各情形
謹恭摺由驛具奏再

臣

出省較遠東境邊防經嚴飭王正

起及沿邊各州縣實力防範其各屬民圩亦經各該州縣
稟報次第辦理惟昨據臨清州稟稱邱縣曲周交界之處

近有騎馬賊二三十人由北而南往來游弋該州業經查拏臣已嚴飭其會同王正起暨邱縣館陶並知照曲周縣知縣一體密拏以靖地方合併附陳伏乞

皇太后

皇上聖鑒訓示謹

奏

擒逆突過滹沱回顧東境摺

同治七年三月初三日

奏爲擒逆突過滹沱河向南奔竄

臣現回顧東境確探賊

情相機防勦恭摺具陳仰祈

聖鑒事竊

臣

於二月二十九日曾將探悉擒逆奔竄西南

並調軍布置各情馳陳在案續據探報該逆竄擾晉州一帶由滹沱水淺處所狂奔渡越向南竄逸查該逆肆擾深州等處經官軍轉戰追逐逆蹤前阻滹沱往來奔突不出數百里之間因東北兩面係

京師及天津要道該逆屢次圖竄

臣遵

旨籌顧駐師河間分軍扼駐任邱並於雄縣大城文安一路來往扼堵冀保無虞今該逆因追勦緊急窮竄過河東

北兩面情形已鬆河間距賊較遠現在該逆竄抵何處尙

無確報東省臨清東昌等處與直境廣平大名各屬接壤

如賊徑南竄東省情形卽已喫緊臣現派王心安一軍於

初二日由阜城故城取道前進如賊竄臨清一路卽可會

合王正起兜勦莫組紳一軍令由景德隨臣前進以便沿

途查看賊蹤相機辦理至東北兩面緊要賊蹤甫去未敢

遽行撤防臣一面飛咨直隸督臣官文酌量布置現擬仍

令楊飛熊一軍暫留河間數日俟賊蹤已遠再行檄調前

往會同各軍勦辦臣於拜摺後卽於景德一路覘賊前進

此後情形或應駐臨清或應駐東昌尙難預定如賊勢西

趨尙未擾及東境臣軍或布紮各處或派出助勦均應俟

臨時咨商左宗棠李鴻章李鶴年等酌度情形再爲辦理
至楊飛熊一軍留駐河間數日該軍日需口糧現准崇厚
由津委員撥運粳米千石已抵河間臣酌量起運三百石
至城以供該軍軍食無虞缺乏其餘七百石應否解運李
鴻章行營接濟已咨明崇厚酌辦所有捻逆突過滹沱河
向南奔竄臣現回顧東境相機防勦各緣由謹恭摺馳陳
伏乞

皇太后

皇上聖鑒訓示謹

奏

帶軍回東暫駐東昌摺

同治七年三月十二日

奏爲

復臣

帶軍回東現擬駐紮東昌將各軍分布扼紮並

另派馬隊追捕馬賊各緣由恭摺仰祈

聖鑒事竊

臣

於本月初二日以賊蹤南竄北路較鬆飭派

王心安由河間拔回東境

臣

於初三日親帶莫組紳一軍

回東並仍留楊飛熊一軍在河間暫紮業經奏明在案

臣

到東後於德州武城夏津臨清館陶等處情形逐一查勘

臣前諭令各州縣修理圩寨爲堅壁清野之計期以困賊

而制其奔突近來修築頗多

臣

均親加勸慰以冀清內匪

而禦外寇恭奉初四日寄

諭飭

臣

於直東交界處所相機防勦等因欽此查捻逆現

竄豫中切近廣平大名東境之臨清館陶冠縣等處與大名廣平各屬接壤均應派軍扼紮臣現飭王心安在河南館陶駐紮楊飛熊一軍現因北路各軍均已進紮滹沱北岸河間自可無虞亦已檄調來東擬飭在臨清之下堡寺駐紮東昌爲河北要地臣擬於十四日由館陶移紮該處以便居中調度現在賊竄衛輝以南去東較遠惟東境與直豫界連甚廣無險可扼賊蹤一至路路可通以東省現在兵力扼防尙虞罅漏惟近防不如遠勦臣當確切查探如該逆勢燄未衰擬仍派莫組紳王正起兩軍出省會勦冀厚兵力儻賊有東竄之勢仍令其迅速跟追而來臣俟到東昌後豫爲籌備該軍行糧卽令起程到豫後應請

歸左宗棠節制以期就近調度至近來直東交界馬賊據各處稟報計不過七十餘人日馳百數十里經副將王正起督同遊擊張福興等帶隊逐日追勦在於冠縣之李當堡臨清之棗科莊先後斬獲三十七名內有頭目齊興仁一名亦經就誅又臨清州各村捕獲韓旦等九名威縣縣團解到三名計該匪未就擒者約不過二十八名張福興等越境追逐於初八日追至曲周之槐橋該匪沿途逃散連日查尋寂無蹤迹昨復探聞賊騎二十餘人在廣平府所屬平鄉杏園潛聚臣卽派候選知府焦宗良帶馬隊二百名急赴直境購綫尋覓蹤迹盡力追捕以期撲滅盡淨查此等匪徒緩則勾結嘯聚急則散匿潛逃當其旣聚

則全恃得力馬隊晝夜窮追斬捕及其忽散則全在地方官督飭鄉團盡心搜緝始可杜絕後患

臣

一面派隊勦辦

仍嚴飭臨清館陶邱冠等州縣力清保甲懸賞購緝嚴密

查辦並咨商直隸督

臣

嚴飭廣平大名各屬州縣一體搜

捕會同分辦所有

臣

擬駐紮東昌將各軍分布扼紮並另

派馬隊勦辦馬賊各緣由理合恭摺由五百里具奏伏乞

皇太后

皇上聖鑒訓示謹

奏

追勦馬賊巡視河防摺

同治七年三月十九日

奏爲官軍追勦馬賊擒斬幾盡現在嚴飭搜捕逃匪並派隊巡防黃河南岸各情形恭摺仰祈

聖鑒事竊

臣

於本月十二日曾將分飭各軍布紮及另派

隊追捕馬賊各緣由馳報在案

臣

初到臨清時卽據各路

探報馬賊已追散無蹤當卽確加探查及初十日

臣

至館

陶接據邱縣稟報聞馬賊二三十名有在平鄉之杏園潛

聚情事卽派候選知府焦宗良帶隊一百八十名前往追

勦焦宗良帶隊去後沿途探詢或稱馬賊有四五十名或

七八十名不等在曲境往來潛聚時大名府知府楊毓枬

帶隊駐紮曲境之侯村會勦與焦宗良晤商合辦十二日

申刻焦宗良隨帶大名勇目石雙興張占魁引路作探至邱縣之賈寨地方遙見樹林內有賊騎出沒亟將所帶隊伍及邱縣知縣程惠昌派出兵役分紮韓莊沙辛莊以防該匪潰散至戌刻探明匪衆在柳辛莊屯聚覓食焦宗良卽飭都司宋國元石魁陞由兩路分抄焦宗良親帶守備曹宏祥由中路進擊賊匪八十餘名見官軍突至卽馳馬欲走焦宗良冒入賊騎中揮軍猛擊斃賊三名宋國元石魁陞亦夾擊前進斃賊八九名匪勢不支仍襲故智下馬步行持槍力鬪焦宗良宋國元亦下馬直前督戰石魁陞在馬上從旁抄截乘勝齊擊大名府知府楊毓柟所派馬學孟等亦適帶隊會勦共斃賊五十餘名陣斬賊首馬禿

子一名生擒十二名內范付詳耶來柱二名係屬賊目

臣

訊明正法陣逃賊匪十七八名焦宗良飭隊追搜四十里至馬布寨又擒斬六名此股馬賊芟除畧盡其漏網計不滿十名大名府勇亦將賊首鄭禿子卽鄭月生擒楊毓枬訊供無異來

臣

行營謁見所稟情形均同惟據探報餘匪

經官軍追急於十二日五更向臨清之棗園地方假稱官兵過河向東馳逃莫組紳等聞信帶隊跟追至清平一帶

探問鄉民均無蹤迹

臣

亦飭那斯琿帶隊向高唐博平一

路探追現據回稟各路追覓亦無一賊是該匪已經散匿

可知惟

臣

昨欽奉寄

諭鉅鹿一帶聞有土匪滋擾山東臨清另有土匪爲數亦

屬不少現聞竄至朝城著丁寶楨探明匪迹派隊掩捕並著官文丁寶楨查明竄擾朝城及鉅鹿之土匪是否卽係一股抑另有分股之處迅速覆奏等因欽此查此股馬賊初由邱縣威縣交界句聚時臣在河間行營據各路稟報均稱不過七十餘名該匪起自威邱旋即馳至臨清下堡寺又由下堡寺竄及冠縣朝城南擾清豐縣境又折竄冠縣經王正起追勦於李當堡賊又由館陶竄臨清王正起又追勦於臨清之棗科莊兩次共斬獲三十餘名臨清威縣各鄉捕送十四名當時未就擒者計不過二十八九名向曲境逃逸張福興等越境追逐初八日至曲周之槐橋沿途探問無蹤初十日臣據探該匪在平鄉杏園潛聚急

派焦宗良出勦十二日卽遇賊於邱縣柳辛莊該逆散匿數日又已句聚至八十餘名之多此次擒斬幾盡其脫逃實不滿十人現已星散此馬賊起聚出沒及始終竄擾蹤迹如此臣確切飭查該匪並未擾及鉅鹿至鉅鹿土匪滋事臣飭莫組紳向威縣查探據該縣函稱該處去鉅鹿八十里未聞有土匪滋擾等語臣札飭鉅鹿縣查稟以便派隊勦辦尙未據稟覆俟稟報到日如實有其事再行酌辦具奏臣現嚴飭各營及州縣等實力搜捕逃匿王正起擒賊七名其間劉黑闥馬金貴任添銘卽任二保三名係積年賊目臣密飭嚴拏此次亦經擒獲業已訊明正法委員馬映奎亦迭有擒獲直隸大名府知府楊毓枏稟稱逐日

搜捕近亦擒賊多名惟該匪已經逃散稍緩搜捕卽易句聚臣不敢以此等小匪上煩

聖慮惟有隨時實力飭辦密購窮搜務使根株淨絕庶不致乘隙嘯聚又欽奉寄

諭飭

臣

嚴防曹州黃河等因欽此

臣

於十四日由館陶移

紮東昌已派花尙阿帶馬隊前往荷鄆一帶巡哨並飛咨曹州鎮總兵德保調標兵六百名充沂曹濟道長廣帶兗州兵三百名並派步隊一營在南岸荷鄆濮州一帶駐紮河干稽查渡口彈壓水套難民以杜勾結又令楊長林分帶礮船移紮濮范梭查並嚴飭曹州府督率各屬集團一體嚴防現據探報捻逆已擾及封邱延津等處現在王心

安駐紮館陶王正起駐紮觀城均切近直豫疆界楊飛熊一軍已抵東昌如賊勢東竄卽覘其所向令分布各軍隨地迎勦以期與追兵共圖夾擊冀杜偷越莫組紳一軍現令暫駐臨清查辦土匪如賊勢緊時亦可會合前進以勦爲防庶於河岸不致疏失所有馬賊擒斬幾盡嚴飭搜捕逃匿並派隊巡防黃岸各情形謹恭摺由驛馳奏伏乞

皇太后

皇上聖鑒訓示謹

奏

捻由直境東竄截勦獲勝摺

同治七年三月二十六日

奏爲捻逆由直境東竄王正起出隊攔勦擊敗尾股賊匪
向東疾走東昌經楊飛熊截擊獲勝臣現飭軍分道馳勦
恭摺仰祈

聖鑒事竊

臣

於本月二十二三等日接據各路探報捻逆

由滑縣竄擾開州及大名境內勢向東北急趨

臣

以東境

濮范觀城朝莘冠館等州縣均屬毗連而臨清館陶爲北

竄順廣捷道當卽飛飭各軍嚴爲預備迅圖攔勦王正起

以賊至開州必由濮州進竄卽於二十三日由觀城出隊

七十餘里向濮州迎勦是時探知賊匪邊馬已擾及濮州

邊境嗣聞觀濮一路有官軍出勦因卽折擾清豐北趨南

樂二十四日王正起跟尋賊蹤徑趨清豐賊匪又由南樂境內急向大名屬之龍王廟東竄奔突極速王正起輾轉追覓至薄暮時始遇賊於清豐朝城界之洪家樓該逆全係馬賊當卽揮隊進擊賊見官軍追至以前股分數路狂奔以後股千七八百騎且戰且行與我軍抵拒王正起扼隊追壓十餘里至畢家屯殺賊一百數十名奪馬八十七匹時天已昏黑卽行收隊計是日賊行一百四五十里官軍追逐亦一百三十餘里淮軍潘鼎新郭松林楊鼎勳等緊追賊後亦陸續趕至賊匪由莘縣境內向東北疾竄二十五日卯刻臣接王正起等稟報賊竄近莘縣卽飭楊飛熊向沙鎮一帶迎勦甫經齊隊探報賊之邊馬已距府城

西南十餘里

臣

卽令楊飛熊以四營分顧關廂以四營合

隊出擊正在派撥該匪已竄近城外楊飛熊帶隊沿隄游擊斃賊數十名奪馬三十餘匹救回難民三四千人賊騎稍卻遂全向城東南竄去現值運河水涸該逆策馬徑越擾向李海務一帶王正起於二更時趕到黎明卽拔隊跟追而東臣並令那斯琿馬隊三百名與該軍會同向阿城跟蹤追勦駐紮南館陶之王心安一軍據稟於二十四日探知賊在大名府城迤南三十餘里游擾距南館陶僅七八十里正在拔隊迎勦復接南樂等處探報知賊已繞竄南樂由大名所屬岔河觶龍王廟等處東竄王心安卽拔隊向東南攔截二十五日行至堂邑賊已竄至東昌

臣當

飭其徑趨荏平並令楊飛熊一軍合隊前進務向西南壓擊以截賊竄東北之路駐紮臨清之莫組紳一軍係專顧北路臣前探知賊擾大名卽飛飭其漸移冠縣以備策應該軍今晚可到應令其卽行前進與王正起合隊互爲犄角遇賊卽擊現在賊蹤多向黃河岸竄擾意圖搶撲南竄已嚴飭楊長林水師會同駐紮八里廟之黃兆昇嚴密巡防並飛飭各州縣將北岸船隻一律提歸南岸並令王正起各軍一面進剿仍隨處兼顧黃防刻下賊勢趨向未定郭松林楊鼎勳潘鼎新各軍均已跟追前往後路軍勢極重惟東北兩面較爲喫緊查此次賊情亡命死鬪行蹤極其迅速漸成窮寇臣擬親督各軍分道馳剿務期覓賊力

戰仍會同各路追軍共圖聚殲冀紓

宸廑所有捻逆由直境東竄經官軍擊敗尾股後賊向東
昌疾走復經官軍攔擊獲勝現飭各軍分道馳勦各情謹
恭摺由驛馳奏伏乞

皇太后

皇上聖鑒訓示謹

奏

在平大捷摺

同治七年三月三十日

奏爲捻逆東竄在平境內王正起一軍冒雨追擊大獲全勝現嚴飭各軍迅速合力進剿恭摺仰祈

聖鑒事竊

臣

於二十六日將賊由開州南樂等處竄入東

境經王正起楊飛熊截擊獲勝賊向東南竄逸現調各軍合力馳勦情形奏

聞在案是日駐紮臨清館陶兩軍尙未趕到僅王正起一軍跟蹤追逐盡日大雨行至田莊住隊二十八日接據王正起稟報該軍於二十六日夜探知賊由阿城地方折回東竄二十七日黎明雨仍未止該軍卽冒雨尋追賊蹤至在平廣平集迤北遙見賊衆五六百騎沿村搜掠參將王

學禮張福興各率前隊馳往追擊王正起自督後隊繼進賊正雨中出掠不虞官軍猝至當卽擒斬賊騎數十名救出難民無數餘賊潰遁各營跟蹤緊追至盧莊劉莊一帶地方該逆大股約有七八千騎結陣而來爭先拒敵勢極兇猛王學禮張福興乘勢突戰斃賊百餘名該逆忍死不退而以悍賊四五千騎分兩面蜂擁直上中路馬賊三千餘騎下馬步行搏戰拚命衝突王正起督飭王學禮張福興等各率三營精銳分頭攔擊復令那斯琿所帶黑龍江馬隊並各營所湊馬勇分爲兩翼合力並進鏖戰兩時之久士氣益奮槍礮刀矛連環進擊約斃賊四五百名轟斃賊目數名賊欺該軍兵單又值雨淋泥滑拚死力拒畧無

退意其賊首張標一名在陣前執令督戰益急張福興王學禮怒氣莫遏各執長矛直衝入陣將賊首張標生擒復殲斃賊首一名各勇勇氣百倍乘勢擁進殺賊二百餘名逆勢不支始敗退二里以外又復屯聚不動王正起恐有狡謀立即分營列爲方陣且命各弁勇據地暫憩以待再戰歇甫逾半刻果見千餘賊騎從我軍後路包抄而來而前面擊敗之賊復從北面還戰王正起卽令那斯琿等馬隊與振字副左營副中營攔住後路一股截殺自督中營親兵隨進斃賊約百餘人王學禮張福興各率三營迎勦北面大股力戰逾時復斃賊二三百名兩路逆衆同時大潰馬匹散滿郊野衣物器械拋棄徧地王正起嚴飭各勇

不准拾取盡力窮追二十餘里至李家寺地方天已昏暮始行收隊此次賊蹤飄忽自竄東境官軍尋覓追逐幸獲接仗該逆窮極之餘拚死力鬪自朝至暮王正起各營營官哨弁勇丁均各奮不顧身力擊大勝除生擒外實計斃賊一千三四百名傷逃者不計其數遺棄騾馬七八百匹刀械衣物無算洵足寒賊膽而作士氣現王心安一軍已於二十七日由荏平進勦莫組紳一軍亦於二十七日自南追擊計可與王正起會合臣本擬卽行親督各軍進勦因左宗棠李鴻章日內卽可來東臣擬在東昌一晤商定軍情再行前進一面嚴飭各軍合隊併擊總期逐日覓戰以殲醜類淮軍郭松林楊鼎勦潘鼎新三軍於二十六日

已由博平高唐繞出德州向南迎勦屏蔽北面黃河一面
防備亦嚴且值河水較深該逆亦難撲渡至此次力戰陣
亡馬步弁勇容臣查明後具奏所有賊蹤東竄荏平王正
起追勦大獲全勝現飭各軍力追進勦各緣由謹恭摺由
驛馳奏伏乞

皇太后

皇上聖鑒訓示謹

奏

擒竄滄州一帶分道進剿以顧東北摺

同治七年四月初六日

奏爲擒逆東竄滄州一帶各軍躡蹤追剿現晤商左宗棠分道前進隨剿隨防以顧東北各情形恭摺仰祈

聖鑒事竊

臣

於前月三十日謹將王正起王心安兩軍剿

賊迭勝並淮軍已由德州迎剿屏蔽北路各情馳陳在案初五日接據王正起等稟報該匪自前月二十七八兩日連挫之後避兵疾行奔馳愈速二十九日竄至平原東北王正起等軍是日由荏追及該逆折趨禹城高唐三十日王正起等軍繞由高唐迤西壓追該逆又由德州偏東疾奔吳橋四月初一日王正起等追至吳橋東北十餘里探悉賊蹤又已由該處仍向東北連夜潛竄略不稍停喘息

郭松林楊鼎勳潘鼎新各軍均緊跟躡勦初二日王正起等以郭松林三軍均循河東岸向北進勦東軍若再隨同前進既虞前後擁擠且恐該匪見沿河兵衆或由南皮鹽山一路繞道旁竄反足牽掣我軍當於是日商同王心安莫組紳由東光橫出甯津迤北向南皮鹽山前進冀可間道繞出賊前等語現據探報又有竄及滄州一帶之信該軍日內能否抄截尙未接據續報臣不勝焦灼先於初三日夜由高唐派弁持令星赴各軍嚴行督催臣前本擬親督進勦因左宗棠李鴻章有到東昌之信擬俟其到後晤商軍情始行前往嗣聞左宗棠已至臨清臣卽於初二日親督楊飛熊一軍由東昌起行擬由德州渡運循岸西行

徑抵天津堵截屏蔽北路初五日行至德州適與左宗棠相遇再四籌商以賊現竄東北自以力顧津郡爲急當經議定左宗棠自督劉松山各軍由德州渡過運西沿河岸直達天津攔截以遏北竄並爲河間保定一路屏蔽臣卽督楊飛熊一軍由河東向吳橋東光一路前進沿途覘賊所向如該匪徑竄天津卽向津郡進剿如被各軍追截回竄卽可隨處攔截並可爲武定黃河一帶屏蔽臣復一面飛催王正起等軍實力跟追以爲兩面夾攻之計左宗棠於議定後卽於初五日啟行臣於本日拜摺後亦卽向吳橋前進總期會合力勦迅掃妖氛稍贖罪戾除以後一切勦辦情形容俟隨時奏報外所有賊蹤東竄滄州各軍緊

跟追勦並

臣

與左宗棠商定分道前進防勦各緣由理合

恭摺由驛馳奏伏乞

皇太后

皇上聖鑒訓示謹

奏

力顧津防片

同治七年四月初六日

再正繕摺閒欽奉四月初四日寄

諭崇厚馳奏捻逆竄近吳橋東光一帶請飭南路各軍繞前攔截並著丁寶楨迅催王正起等軍先赴直境迎頭截擊以固畿疆等因欽此查此時津防喫重追勦攔截之兵均不可少臣先擬自向運西由天津一帶攔截而催王正起等軍追勦期可東北兼顧現經商定左宗棠親督各軍由河西至津節節堵截該軍約計三萬數千人必可敷布臣由吳橋一路前進與左宗棠對岸相應是沿河東西兩岸皆有防勦北路或可固守至東岸追勦各軍日前郭松林等三軍由東昌拔隊時言明先顧北路該軍沿河緊追

日內當必可抵津郡王正起等軍由東光繞出南皮鹽山
旁趨津郡雖抄道稍遠經臣兩次嚴催計日亦必可到將
來東西兩面各軍皆可覘賊所向互爲跟追攔剿辦理局
勢似尙緊湊是否有當謹附片陳奏伏乞

聖鑒訓示謹

奏

暫駐交河截勦以顧西北摺

同治七年四月初八日

奏爲官軍追勦獲勝賊向東敗竄各軍緊躡進勦並臣遵
旨改由運河西行暫紮交河探賊攔截以顧西北各情形
恭摺仰祈

聖鑒事竊

臣

於本月初六日謹將東淮各軍分起進勦並

臣與左宗棠商明分道向運河兩岸前進防勦各情馳陳
在案

臣

拜摺後旋接王心安王正起等稟稱初二日王正

起莫組紳兩軍由吳橋向南皮鹽山繞道向東北前進嗣
據探報賊果向南皮一路分竄是日大雨不止王正起莫
組紳因隨帶火藥全行溼透行四十餘里住隊暫爲收拾
王心安於酉刻冒雨馳抵距南皮縣迤北十五里地方卽

見村內有賊騎約二百餘人一見我軍卽向東北奔竄王心安率馬勇數十人逐出十餘里天已昏黑旋卽收回初三日五鼓王心安會合淮軍拔隊前進至午刻探賊有折轉西南之勢王心安知其欲乘隙抄襲後路遂嚴爲準備一面仍向天津前進未刻行抵距滄州八里之興隆鎮忽據後路探稱賊股約二三千騎由後抄來王心安急列陣回勦該逆環繞直衝勢甚兇悍各營於水潦泥滑之中以槍礮轟擊斃賊甚多把總裴占標等奮勇衝突復生擒賊目王來天郭愷二名正戰之際郭松林楊鼎勳潘鼎新各軍由西路趕到前後夾擊擒斬約二三百人王心安奪獲賊馬一百餘匹刀矛旗幟二百餘件賊敗向東竄各軍合

隊疾追二十餘里至朱官屯因風雨益大天色漸晚始行收隊暫駐是日晚王正起亦探知賊距南皮縣不遠當於五鼓後冒雨前進至未刻行近南皮縣城十餘里卽見賊騎數百駛向東北奔竄王正起督隊疾追礮斃十餘人賊不敢回拒策馬飛奔該軍全係步隊亦以泥滑未能疾行追至滄州城東收隊初四日各軍仍分道追勦前進此王心安各軍入直以後追勦之情形也臣計王心安一軍初五六月必可到津王正起莫組紳兩軍恐其兼顧東面到津稍遲然津防若有淮軍與王心安一軍兵力或可敷布至臣初與左宗棠議定左宗棠督湘豫皖各軍由河西沿岸前進以顧津防兼爲保定河間屏蔽臣督楊飛熊一軍

沿河東行與左宗棠相應互爲攔截追勦初六日未刻
甫經啟隊接據吳橋縣稟稱該縣民間遷移一空無處辦
糧是以令各營稍緩半日趕辦行糧帶往卽於初七日卯
刻欽奉

諭旨丁寶楨當迅督王正起王心安莫組紳等所部馳赴
河間等處防堵欽此跪誦之下仰見

聖謨廣運訓示周詳欽感無極竊維賊在河東津防萬緊
而西北路之竄突尤覺可虞現在津郡一帶若各軍齊集
兵勢較厚萬一賊不得逞折而沿河西突河岸縣長幾五
百里且值水勢淺涸處處可渡左宗棠一軍刻雖沿運北
上然以之扼紮楊柳青獨流靜海一帶已覺喫重此外亦

難分顧設該逆乘閒偷渡則自滄州以下卽爲大城任邱
青縣交河景州境界到處皆可狂奔現在西北甚覺空虛
臣若在東岸沿河而上賊或由前後竄越臣軍始行回顧
旣已緩不濟急且恐倉卒濟渡無處覓船尤甚焦急臣是
以反覆熟思惟有欽遵

諭旨仍渡河西行或可隨處探賊妥爲籌備惟刻下賊蹤
尙在河東若遽紮河間相距似覺過遠臣現已行抵交河
距河間僅百里擬卽在此暫紮覘賊所向以爲進止至王
正起王心安莫組紳三軍目前賊未渡運似應仍留軍東
岸會同勦辦以防賊回竄東南東省庶不致全數落空然
臣在河西僅楊飛熊一軍合以姚紹修兩營僅五千人若

賊萬一西竄則以五千之眾敵全股賊騎亦覺稍單臣刻
已派弁飛調一軍前來會合仍留兩軍在河東與賊馳逐
並嚴飭其盡力協勦兼顧西北一面以期周備所有各軍
追勦獲勝分路進勦暨臣遵

旨改道西行暫紮交河探賊防勦各緣由謹恭摺由驛馳
陳伏乞

皇太后

皇上聖鑒訓示謹

奏

督隊東昌查看運河水勢摺

同治七年四月十五日

奏爲賊蹤竄向鹽山樂陵一帶河北防務較鬆現與李鴻章商定督隊馳向東昌布置攔剿並運河水勢盛漲各情形恭摺具陳仰祈

聖鑒事竊

臣於初八日謹將賊竄津郡河北喫重遵

旨改道沿河西行以顧北路各情馳陳在案

臣

到交河後

專弁沿河上下偵探賊情以定進止初十日未刻探回賊已由靜海折竄鹽山勢漸南趨當以鹽山與武定屬之樂陵陽信海豐連界賊旣竄鹽山趨重南路北面情形自鬆臣刻卽由交河拔隊移駐連鎮一路確探賊蹤實已南向卽馳由德州擬向陵縣一帶攔截十二日行抵劉智廟接

據武定府稟報賊已竄至鹽山海陽交界之板達營等處
駭入東境十三日行至德州適與李鴻章面晤熟商軍情
李鴻章擬駐德州調度一切臣本擬由陵縣至武定會剿
因思武定一路現有劉松山張曜宋慶各軍暨王正起莫
組紳兩軍跟蹤追擊兵力足敷勦辦其楊鼎勳潘鼎新兩
軍暨王心安一軍尙在靜海滄州一帶扼紮運河以防折
竄惟東昌一帶爲該逆南竄要路且城關極大刻下實無
一兵頗形空虛設該逆被擊徑趨東昌二三日內卽到殊
爲可慮臣與李鴻章議定由德州馳赴東昌布置攔剿是
日郭松林一軍趕到德州李鴻章以東昌一帶地勢寥闊
情形緊要飭其會同臣軍前進臣猶慮所帶楊飛熊一軍

不敷調撥現值運河水勢甚漲楊鼎勳潘鼎新兩軍暫可分顧已調回王心安一軍來東會合以厚兵力而資截擊
臣於本日拜摺後卽與郭松林拔隊前行一面嚴飭王正起莫組紳兩軍協同湘豫各軍實力追擊至運河水勢自初十日午後驟發日來已漲至丈四五尺有餘沿途查詢土人均稱歷來三四月內無此盛漲
臣查看目前情形足可限賊該逆萬難飛渡惟須嚴飭東岸不准停泊船隻乃爲周密應請

飭下督

臣

官文暨通商大臣

臣

崇厚通飭沿河州縣實力

照辦以昭慎重所有賊蹤南竄現在督隊回向東昌一帶布置攔剿並運河現在水勢盛漲各緣由謹恭摺由驛馳

陳伏乞

皇太后

皇上聖鑒訓示謹

奏

東軍追勦獲勝繞擊布防摺

同治七年四月二十三

奏爲王正起莫組紳兩軍追勦獲勝

臣

飛飭繞出北路壓

擊並

臣

暫駐東昌會商淮皖各軍布置防扼各緣由恭摺

仰祈

聖鑒事竊

臣

於本月十五日謹將賊勢南竄

臣

馳向東昌

布置攔勦各情馳報在案

臣

途次接據王正起莫組紳稟

報該兩軍於初四五日在滄州一帶兼程進追初六日五鼓在靜海屬之蕭莊接仗王正起督率所部整隊穩擊殺傷頗衆其營官張福興王學禮各以精銳猛衝直貫賊陣各營齊進莫組紳以八營繼之大戰良久賊勢大潰追擊二十餘里斃賊計千餘名賊匪遂向南狂竄

臣

接報較遲

其詳細情形業由通商大臣臣崇厚查明具實據奏該兩軍於鹽山等處連日緊追該逆聞風即遁王正起等於十一日聞該逆已竄入東境並有攔入海豐之信整隊疾進距海豐十餘里又探知賊已竄及陽信該兩軍改道前進由陽信追至武定該匪急於避兵旋由樂陵德平等處狂竄十四日已擾及平原禹城一帶計日走二百餘里王正起莫組紳於十六日追及於高唐之張家寨列陣進擊槍礮齊施轟斃悍賊二百餘名陣斬賊目偽監軍王玉潰一名千總張太和生擒偽參軍黑旗賊目楊懷人一名賊勢大敗官軍追至郭莊收隊十七日追至博平之朱家莊卽解該寨之圍賊未敢交鋒猛突而去臣是日行抵博平嚴

飭王正起等盡力追逐臣親督楊飛熊王心安兩軍並會

同淮軍郭松林趙爾東昌十八日抵郡與署安徽撫臣英

翰晤商辦理英翰除派軍出勦外親督各營馳赴臨清防

扼現在探報賊匪尙在平原德平一帶游弋劉松山張曜

宋慶等皆在前敵追勦軍勢尙厚臣連日飛催王正起等

繞出北路向南壓擊臣督楊飛熊等會同郭松林扼顧運

河由南路攔截以期因勢堵禦臣查該逆盡日馳驟奔突

靡常各省諸軍窮追力鬪勞苦已甚而窮寇未殲誠以大

河以北地勢空曠彌數千里賊馬取之無窮而我軍漸疲

於奔命自非驅逼一隅無以制其奔突欽奉

廷諭飭臣等辦理直東運防仰釋

聖謨固已灼見大勢臣應與左宗棠李鴻章等妥商辦理
惟地段縣長賊勢飄忽迅速實未知能否趕及以成合逼
之勢王正起等營此次力戰陣亡之千總戴文彬黃紀成
二員候選從九品胡湘一員應請

飭部從優議卹所有王正起莫組紳兩軍追勦獲勝經臣
飛飭繞出北路壓擊並臣暫駐東昌會商淮皖各軍防扼
各緣由謹恭摺由驛馳奏伏乞

皇太后

皇上聖鑒訓示再海豐縣城垣舊多缺壞臣曾迭次嚴催
修築茲據王正起等稟中有賊匪攔入該縣之說惟未據
武定府及各鄰縣稟報或係王正起等途次傳聞之誤臣

已專劄飭查驛遞多阻尙未接據武定府稟覆應俟該府稟報到時再行查辦合併陳明謹奏

分段築牆摺

同治七年閏四月初八日

奏爲官軍及賊接仗仍緊跟追勦並分段築牆設守各情形恭摺具奏仰祈

聖鑒事竊

臣

於四月二十三日將王正起莫組紳兩軍繞

北壓擊

臣

暫駐東昌會籌防扼各緣由奏

聞在案

臣

至東昌後與英翰郭松林面商分段設守自臨

清起至魏家灣六十餘里由東軍駐防自東昌府城南至

張秋鎮九十餘里由淮軍駐防

臣

於商定後嚴飭王心安

等各營督率勇丁立限趕修長牆二十五日探賊已由平

原高唐竄至清平博平距河僅數十里深虞其倉卒搶撲

防不勝防當飭諸軍嚴陣以待迎擊幸張秋黃水入運之

處經李鴻章於正二月內派營挑挖以期引水灌運正值
敗壩之際而黃流忽漲運河水增數尺各軍乘勢晝夜施
工適王正起莫組紳與張曜宋慶等軍亦先後趕到賊復
折竄東南二十八日王正起莫組紳各軍追及於荏平南
關與賊接仗頗有斬獲賊仍敗向東面禹城平原一帶奔
竄各軍亦躡蹤緊追二十八九等日各營據報河牆一律
完竣惟倉卒辦理不無低薄之處且近日河水驟落深者
不及尺許臣復督令各營將河牆加高培厚牆外濬濠樹
柵藉資扼守英翰郭松林所分各段亦已修築竣事仍各
飭防軍逐日加修用期鞏固現在銘軍已抵東昌李鴻章
飭令駐守運防騰出郭松林一軍作爲游擊數日內即可

出勦該軍蓄銳而出必能得力至王正起莫組紳兩軍追逐將及兩月已覺疲勞臣亦擬調該軍回守運防換出王心安一軍會同郭松林等軍出勦俾士氣常新於防勦兩有所益刻據探報賊仍游弋於德平陵縣一帶王正起莫組紳張曜宋慶劉松山各軍追逼甚緊該逆不暇停喘臣仍飭王正起莫組紳等盡力跟追不准暫停期於遇賊卽擊迅殄妖氛此後河防漸成但得愈逼愈緊庶幾可冀得手至此次荏平接仗陣亡之把總吳永泰一員應請敕部優卹所有東軍追賊接仗暨分段築牆設守各情形謹恭摺由驛具奏伏乞

皇太后

皇上聖鑒訓示謹

奏

賞加頭品頂戴謝

恩摺

同治七年閏四月初十日

奏爲恭謝

天恩仰祈

聖鑒事竊

臣

於同治七年閏四月初八日在東昌營次接

准吏部咨以捻逆任賴股匪殄滅淨盡於同治六年十二月二十六日奉

上諭丁寶楨著開復革職留任處分並賞加頭品頂戴欽此恭錄行知到

臣

當卽恭設香案望

闕叩頭祇謝

天恩訖伏思捻逆任柱賴汶洸等滋擾各省奔竄數年仰賴

朝廷德威廣被而督師大臣及各疆臣復竭誠協力將士
効命用致蕩平臣前以帶兵防勦獲戾至深無勞足錄愧
涓埃之莫報益悚惕以難名茲適渥荷

聖慈開復處分並蒙

優加異數寵晉頭銜沐

恩施之深重非夢想所敢期現在直東兩省軍事正殷臣
雖勉策駑駘兼籌防勦與諸臣力圖滅賊即使能稍展寸
效亦屬臣子常分實不足以上酬

高厚於萬一過叨

恩寵惶恐實深揣分滋慙不能自任惟有益加奮發殫竭
愚忱以冀仰答

鴻慈稍圖報稱所有

微臣

感激下忱謹繕摺叩謝

天恩伏乞

皇太后

皇上聖鑒謹

奏

荏平襲賊大勝摺

同治七年閏四月十六日

奏爲官軍追賊迭戰在荏平襲賊大勝賊匪仍向東北折竄現將莫組紳調回守河騰出王心安一軍飭令追勦恭摺仰祈

聖鑒事竊

臣

於本月初八日謹將官軍追賊接仗並分段

築牆設守各情馳報在案王正起莫組紳兩軍於初三日由禹城進追行二十餘里擊敗尾賊數百騎沿途斬獲頗衆又疾馳三十里至臨邑之楊家莊忽聞前途礮聲偵知該逆正與臨邑陳貫城等所帶民團接仗紳字營營官劉時霖曹正榜策馬急馳直突賊陣王正起莫組紳以全隊繼之斃賊多名賊股敗退旋即狂竄救出被圍團衆一千

餘名連日該軍與劉松山張曜宋慶等軍先後追奔比及交鋒賊輒疾走初八日及賊於東光吳橋交界小有斬獲並收降老賊八十餘名賊匪回竄南路王正起等於初九日馳一百三四十里至平原東關又四更拔隊追至高唐東南之侯家莊復擊敗逆股七八百騎追奔二十餘里至茌平之張大屯十二日追至茌平城東探知該逆盤踞城西南二十餘里外意圖向東昌撲運王正起自以逐日窮追迄無大戰彌深忿恨因與莫組紳定計分路乘夜襲勦是日夜二更後王正起由西南進隊行十餘里見各村中隱有火光疑未卽攻旋獲賊邏騎二名詢知張逆大股全集該處一帶村莊因派王學禮以四營攻其西南張福興

以四營攻其正南王正起自以兩營及馬隊策應各營銜
枚齊進該逆絕未有備官軍猛前衝入喊聲四起各莊賊
衆驚擾亂竄立斃悍賊三四百名受傷脫逃者無數生擒
老賊一百數十名救出難民二三百名奪獲騾馬一千數
百匹馬鞍一千數百副洋礮旗幟共數百件是時賊隊潰
散詢問擒賊始知張總愚僅隨數十騎向西北潛遁與全
股匪衆幾至相失王正起黑夜追殺直至天明附近居民
在麥地搜殺伏賊百數十名獲騾馬數百匹莫組紳本由
南路進襲甫至崔家莊而賊衆已被王正起擊散敗賊紛
紛狂竄莫組紳追斬三十餘里殺賊二百餘名生擒長髮
八十餘名賊匪鼠竄向博平清平一帶而去十三日晚復

向魏家灣戴家灣沿運窺伺經駐該處之姚紹修暨皖軍各營槍礮擊退賊知運河嚴備於十四日向東北一帶竄逸查此次桂平之捷賊敗潰不能成隊各思逃命惜官軍馬隊甚少未能及時殲除現在莫組紳等軍追勦最久士氣過疲已調該軍回守運河令王心安一軍於十五日換防出勦王正起一軍現亦調至東昌令其備辦行糧領取軍火稍休卽出淮軍郭松林業於十三日由東昌拔隊進勦應飭令王心安趕赴會合前進以期互爲犄角

臣

查該

逆往來奔突急圖撲運迭經官軍追擊敗回勢極窮蹙刻值東昌一帶運河水勢不過數寸已嚴飭各營極力堵遏其臨清以北武城夏津恩縣德州及直境之吳橋東光等

界水勢雖深惟尙無營扼守

臣

時時懸念以力難分願爲

憂前與李鴻章商請直境聯團築牆駐守昨接其來咨已
派員在直境會同直隸臬司張樹聲等督勸民團修築河
牆臣已派道員王成謙赴該各州縣會合督修武城夏津
已報興工惟該各州縣西岸多與直境錯壤必須聯爲一
體踴躍共事方可藉資憑禦又

臣欽奉

諭旨詢及東省尙有西丹馬隊一千五百名能否得力查
前招募吉林黑龍江丹丁計三千名餘丁三百名春閒遵
旨挑選撥交春壽助勦之吉林黑龍江丹丁共一千五百
二十九名又撤回吉林黑龍江病弱丹丁共六百九十五
名業經具奏在案其餘病故五十餘名吉林兵丁潛逃九

十餘名陣亡及出探未回者八名現在東省尙留黑龍江
丹丁九百零四名臣頃令侍衛那斯琿隨同王正起等出
勦於荏平靜海滄州高唐等處迭次接仗雖於戰事未盡
純熟而膽氣優裕立陣穩固頗有可觀若使閱歷稍多必
可期成勁旅臣因其途次多病亦令暫回東昌休養再行
出勦查該丹丁入東以來多生奇病現在天氣漸熱疾病
日多臣前見僧格林沁勦辦捻逆時於關外丹丁每交夏
至後必令歇夏至立秋後乃出誠以該丹丁不慣受暑之
故臣於此項馬隊遠自數千里調入且樸拙可用不敢不
厚加護惜使之服習水土蓄勵精銳以備征勦之大用藉
可上慰

宸廕所有官軍追賊迭戰在在平襲賊大勝賊匪向東北
折竄現將莫組紳調回守河騰出王心安一軍追勦各情
謹恭摺由驛具奏再王正起嚴整精悍勇冠將卒莫組紳
穩練識機能耐勞苦於追勦實爲得力參將曹正榜遊擊
張福興王學禮三員迭次陷陣奮不顧身合無籲懇

天恩俯准將參將曹正榜以副將補用遊擊張福興王學
禮二員均以參將補用並

賞加副將銜以示激勵無任感幸合併陳請伏乞

皇太后

皇上聖鑒訓示謹

奏

各軍會勦力顧運防摺

同治七年五月初四日

奏爲王心安一軍會合郭松林潘鼎新等連日追勦並繞出賊前迎擊以顧運防現在捻蹤仍由荏平境內折回東竄各軍跟追前進各緣由恭摺仰祈

聖鑒事竊

臣

於閏四月十六日將官軍襲賊獲勝並調回

莫組紳等軍與王心安換防出勦各情由驛馳奏在案旋

據探報捻逆復回竄武定東北一帶

臣

卽飭令王心安一

軍於二十一日拔營進勦郭松林潘鼎新先於二十日在德州向東截擊二十五日各軍先後追至陽信海豐迤北大柏山地方見東面林木茂密疑有藏匿適劉松山自西躡尋而至當卽分路搜勦擒斬悍賊七十餘名傷斃二百

餘人奪馬三百餘匹餘賊敗竄諸軍循迹緊追次日午時及賊於鹽山城外乘勝進戰又斃悍賊多名該逆見官軍大集遂繞路西趨乘隙折向西南狂竄郭松林等擒獲賊探供稱賊亟思南撲運牆當卽繞前攔截由德平臨邑境內連夜疾進本月初一日在荏平西北三十里之劉家鋪地方遙見塵埃障天知已及賊郭松林潘鼎新王心安各率所部飛馳覓戰甫經接仗斃賊二百餘名奪馬百餘匹生擒四十餘人該逆卽敗潰回馬疾馳折向久隆口一帶竄走是日陳國瑞牛師韓各軍亦緊追而至各軍奔馳十餘日米糧漸盡因住東昌半日購買食物遂卽復出追勦臣近據道員王成謙稟稱臨清迤北東境所屬各州縣衛

河圩牆皆已成立直境亦俱報竣張樹聲等激勵民團分段駐守期可與滅河運河防守各營聯絡聲勢惟賊勢窮極猾聞兵卽遁各軍追逐日行一百二三十里勢將追及而該逆恣行馳騁輒復遠颺故奔馳十餘日竟難得一大戰現在河防漸覺嚴密賊似不能越軼各軍亦得更休迭戰不致疲勞庶可節節進逼早期得手所有連日各軍追勦各緣由理合由驛六百里馳陳伏乞

皇太后

皇上聖鑒訓示謹

奏

修築隄牆兜逼捻逆摺

同治七年五月二十二日

奏爲捻逆東竄前派王心安追勦一軍現隨同郭松林潘鼎新築臨邑陵縣一帶圩上卽日工竣再行出勦暨嚴飭高唐恩縣等州縣速修馬頰河西北隄牆以期兜逼各緣由恭摺仰祈

聖鑒事竊

臣

於五月初四日將官軍繞擊獲勝並捻逆東

竄諸軍跟追各情形由驛馳陳在案連據探報逆蹤於初八初九日漸向東趨初十日後又折向北竄王心安會合各軍節次緊追略有斬獲臣正催令速勦聞旋接李鴻章來函以天氣炎熱賊極飄忽各軍日事馳逐皆不遑喘息率不能獲一酣戰欲在臨邑陵縣一帶橫築圩牆西接馬

頰河舊隄東留臨邑至濟陽之九十里逼賊由此南竄然後一體築閉層層兜裹俾地勢愈窄迫勦愈近辦理較有把握臣思平地築圍設守雖難使果籌辦迅速自能制賊奔突於勦事亦資得力臣於前日賊由荏平回竄東北時卽嚴責王心安一軍儘力追勦誠以賊在東境臣卽應防勦並籌然後可以慰士民之望茲臨邑陵縣牆工既經該軍會同趕築亦祇可聽其協力辦理以期安速完竣馬頰河西岸隄牆前經各州縣民團公議興修藉保完善臣准李鴻章來咨已諄飭恩高清博夏各州縣督勸勒限分修不得稍事延緩正在趕急布置蒙寄

諭嚴切仰見

聖謨廣運燭照無遺現在恩縣業已稟報即可嚴事清平
夏津均已興修高唐博平亦經嚴飭趕辦並委員前往守
催當可計日告竣頃接郭松林函陵縣臨邑圩工二十日
內外皆可一律報竣王心安一軍仍當騰出會勦至張秋
東昌臨清二百四十里防務現在黃水甚涸運河已成陸
地如賊窮思逞堵禦亦屬喫緊臣惟當與英翰及淮豫各
軍實力籌辦以遏竄突惟冀此後地勢逾逼諸軍逼賊愈
緊俾得早爲撲滅所有王心安派出追勦一軍現在隨修
圩牆暨嚴催各州縣速築馬頰河隄牆各緣由謹恭摺馳
奏伏乞

皇太后

皇上聖鑒訓示謹

奏

各軍疊捷並馬頰河牆竣工摺

同治七年六月初七日

奏爲王心安一軍會合郭松林等連日勦賊鹽慶陵縣等處疊獲勝仗暨恩縣傅平等各州縣修築馬頰河牆漸可竣工各情形恭摺仰祈

聖鑒事

竊

於五月二十二日將王心安隨同淮軍分築

臨陵一帶長牆工竣出勦暨催令高唐等州縣速修馬頰河牆各緣由馳報在案嗣連接郭松林來函及王心安稟稱臨陵牆工報竣後王心安於二十二日會同郭松林拔營向東北出勦二十四日探知逆騎在慶雲海豐地方往來游弋王心安與郭松林商議分路進勦二十五日辰刻王心安追至慶陽交界之翟家莊沙家莊等處郭松林探

悉春壽一軍正在海豐境內與賊接仗隨卽麾軍猛力前進一面知會王心安催隊速由後路抄襲賊股並截其輜重王心安率隊疾行未數里卽遇賊馬萬餘蜂擁撲至勢極兇悍當卽列隊迎勦自已至申相持四時之久殲斃在前執旗賊目多名總兵銜副將王福田亦中槍陣亡該逆猶抵死抗拒經參將馮義德副將蕭紹榮宋延德等各領所部直冒矢石鼓勇奔擊又斬執旗賊目十餘名副將宋興元守備楊正才干總劉明發生擒黃衣馬賊三名王心安乘勢督率各營一擁齊上短兵相接大礮環施陣斃悍賊無算復出奇兵左右包抄逆匪驚潰馬驟四散奔走官軍壓追二十餘里計共斃賊六七百名生擒一百餘名奪

獲騾馬三百餘匹郭松林一軍左右衝殺斃賊極多會大雨暴注賊得乘隙向北逸去二十六日黎明王心安會同郭松林正欲往追旋聞是夜該逆又爲劉松山等襲敗折繞南竄當卽合向西南一路截勦遏賊於樂陵境內逆騎望塵返走郭松林王心安竭力窮追又斃賊二三百名奪獲騾馬器械甚多二十七日該逆又驀竄吳橋一路經周盛波一軍掩擊大勝該逆見官軍大集繞道南奔德平縣境復被吳長慶潘鼎新等邀擊獲勝其各軍接仗情形已由李鴻章奏報現在賊勢窮蹙已極仍在東北一帶旋繞王心安郭松林兩軍仍行跟追臣查逆騎迅駛追軍常苦不相及此次數日之內各路連獲大捷足以稍快人心現

在牆工漸次告成計可四面兜逼速收聚殲之效馬頰河
牆前經臣節次嚴催並分委委員勒限監督恩縣已經報
竣清平博平夏津等縣日內亦可報完工惟高唐一處河
牆河西僅十四村莊戶少丁稀難期速成臣已飭派臨清
武城兩州縣協助計數日內亦可報竣現在伏汛應時黃
流入運自張秋至臨清河水已深五六尺李鴻章前調來
提督黃翼升水師礮船均於初五日已全數駛入由東昌
下赴臨清運河北路聲援較壯計黃水盛漲平原禹城各
處地勢低下每歲必有漫水灌入亦可阻賊騎馳騁之路
據查此時情形滅賊機會當有把握臣惟與李鴻章等審
勢熟商妥辦以冀早除殘寇稍贖罪愆至此次陣亡之總

兵銜副將王福田應懇

恩飭部優卹所有王心安一軍會合郭松林暨各軍連日
獲勝及馬頰河牆漸可竣工各情形謹恭摺由驛馳陳伏
乞

皇太后

皇上聖鑒訓示謹

奏

各軍追勦連獲大勝摺

同治七年六月十六日

奏爲王心安會同郭松林等軍晝夜追勦惠濱臨陵等處連獲大勝暨齊東防黃勇團擊退竄賊各情形恭摺仰祈聖鑒事竊臣於本月初七日已將王心安會同郭松林二十八日以前勦賊迭勝及馬頰河牆卽日工竣具報在案臣查各軍得暑奔追戰事甚苦竊慮逆情狡譎疲我士氣不如晝追夜襲更進迭戰使賊無片刻之安勦辦更易得手當卽飛飭王心安相機進戰嗣連接郭松林王心安潘鼎新等函稟均稱二十九日王心安與郭松林合軍由陵縣臨邑一路探追三十日黎明於商河李家坊追及賊匪大股郭松林王心安悉令士卒暫伏田禾之內祇出馬隊

數百騎意欲誘賊使前一鼓撲滅詎該逆屢敗膽寒望風先走王心安等亟從後面追擊馳逐三十餘里計已斃賊三四百名至惠民境內天色漸晚聞前去賊踞村莊不遠王心安定計夜襲商之郭松林意見相合是夜東軍三路進襲前面賊巢王心安自督副將宋延德等擣其中堅副將蕭紹榮都司許占鼇各率所部張爲兩翼副將雷顯揚帶領馬隊在後策應郭松林亦三路繼進抄賊後巢約有四更時分逼近賊村該逆敗竄疲乏皆已酣睡我軍各執短刀一擁齊入遇賊卽斫殲斃無算其地附近皆係陂池驚逃之賊墮入溺死者尤多餘賊衝成兩段一竄正北一竄東北騾馬器械大半拋棄王心安等乘勢掩殺窮追七

八十里正北一股已爲衝散經民團截斬殆盡計郭松林王心安各軍共擒髮賊一千餘名奪騾馬三千餘匹並生獲張總愚逆姪濱仔及張七張見華袁正法等此三十初一兩日王心安郭松林襲勦之情形也其敗往東北之賊旋因北路兵衆折回復竄經王心安一軍截出正東郭松林等軍截出東南以期兩面兜勦王心安至濱州先諜知賊衆住宿彭家圩遂自選三成勇隊乘夜輕騎掩襲賊方駛奔百餘里不虞官軍猝至倉卒驚潰王心安率銳師鼓勇齊上士氣爭奮一以當百連蹋賊村八處斫斃甚多生擒一百數十名奪騾馬百餘匹敗賊仍向西南惠民境內狂竄王心安自後緊追初七日郭松林潘鼎新等攔頭迎

擊全獲大勝僅餘賊數千名竄往正南商河一帶此初四五六七等日王心安郭松林潘鼎新等軍襲勦之情形也遞接各路探報暨各州縣稟報情節相符並據報陳國瑞一軍連日在武定商河等處追勦迭有斬擒其郭松林潘鼎新等大勝詳細情形應另由李鴻章具奏惟王心安等各軍日夜轉戰酷暑炎蒸極爲疲苦然戰事得手之際正宜銳力疾勦以期蕲事臣已飛飭其仍行窮追不准暫停並恐其無暇購買軍食飭令所過州縣妥爲籌辦俾得一意進勦正在布置間又接據臣前派黃河防守之委員周鵬齊東縣知縣何慶祥等稟稱十一日亥刻忽有敗賊數百騎竄至齊東延安鎮黃河北岸窺伺經周鵬督率勇團

會同礮船弁勇放礮轟斃百餘名十二日辰刻賊騎全股數千至齊東城北黃河對岸意在設法搶渡該縣知縣何慶祥率領民團同礮船千總鄧福興密排槍礮連環施放相持兩時許轟斃馬賊二百餘名賊始紛紛敗退適張曜宋慶等軍趕到兜擊大獲全勝擒斃極夥餘賊四散逃竄各軍俱躡追甚緊臣查此次捻逆被各軍痛爲勦洗現已萬分窮蹙運防鞏固竄無可竄仰賴

天威不日當可蕩平至五月三十日夜襲賊陣亡之遊擊王林把總劉青和應懇

恩飭部優卹所有王心安一軍同郭松林等軍連日襲勦大勝及齊東防黃勇團擊退竄賊各情形謹恭摺由六百

里馳奏伏乞

皇太后

皇上聖鑒訓示謹

奏